



UNIVERSITÄTS-
BIBLIOTHEK
PADERBORN

**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

Tit. 12. De Scrutino in Ordine faciendo.

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

TITULUS XII.

De Scrutinio in Ordine faciendo.

- 1.2. Quid sit Scrutinium. & quotuplex
 3. Quid in hac reservetur circa minores aut ma-
 jores Ordines.
 4.5.6. Primum & secundum scrutinium:
 7. Qui à scrutinio excipiuntur.

Cum nullus debeat ordinari Clericus, nisi qui probatus fuerit vel examine Episcoporum, vel populari testimonio, ut habetur in can. Nullus Distinct. 24 ideo aveniente tempore, ordinationi praefixo, examinari debent ordinandi d. can Nullus & can. Quando d. Dist. 34.

1. Scrutinium nihil est aliud, quam examen per eum factum, ad quem spectat. Dictum à scrutando: nam is, qui examinat ordinandos, scrutatur sive interrogatur, e. unico h. t.

2. Ut verò alias Scrutinii divisiones (de quibus Hostiensis in summa b. 1. § quo modis) omittam, quod ante ordinationem, & quidem diligenter faciendum est, Nihil est 44. § Episcopi sap. De elect. alterum, quod fit in ipsa ordinatione.

3. Ad minores itaque promovendi Ordines ex decreto Conc. Trid. Sess. 23. c. 5. Dereformat. tenentur habere & exhibere testimonium à Parocho suo & magistro scholæ, in qua educantur & erudiuntur: ad singulos vero Maiores assumendi, per mensum ante ordinationem adire Episcopum debent qui ad detegenda, si quæ forte subsistat, impedimenta occulta & incognita Parocho aut alieri, cui magis excedere videbitur, committet, ut nominibus ac desiderio eorum, qui volunt promoveri, publice in Ecclesia propositis, de ipsorum ordinandorum natalibus, ætate, moribus & virtù fide dignis diligenter inquirat & litteras testimoniales, ipsam inquisitionem continentres, ad Episcopum quamprimum transmittat.

4. Deinde feriā quartā ante ordinationem vel quando Episcopo videbitur, una cum Archipresbyteris ad civitatem evocari debent; ipseque Episcopus, adscitis sibi sacerdotibus, & aliis juris prudentibus, petitis divina legis: atque in Ecclesiasticis sanctionibus exercitatis, ordinandorum genus, personam, ætatem, mores, doctrinam fidem diligenter examinare atque investigare, d. can. Quando, cum duabus seqq. Distinct. 25. c. 4. penult. & ult. inf. De statu & qualit. Ord. præficien. Conc. Trid. Sess. 23. cap. 7. De reformat. & hoc vocatur primum scrutinium.

5. Sabbatho verò sequenti, qui probati & idonei reperti fuerint, Episcopo ordinandi præsentari debent per Archidiaconum, qui adscit Episcopo, & ad quem de jure communī spectat examen & præsentatio ordinandorum ad sacros Ordines. c. ad bac 7. & Vt nostrum 9. inf. De officio Archidiaconi: ac proinde examinatores quos sibi adsciscere debet Episcopus decreto Conc. Trid. d. c. 7. & quos singulis annis in Synodo diœcesana pro examine ad parochiales Ecclesias eligi jubet idem Conc. S. ff. 24. cap. 18 accipiendi sunt cumulativè cum Archidiacono, non autem cum illius exclusione.

6. præsentando verò ordinandos dicit Archidiaconus. Postulat sancta mater Ecclesia hos Diaconos vel subdiaconos fieri: & interrogatus, an eos dignos cognoverit, responderet, se nosse & testificati, in quantum humana fragilitas nosse sinit capite unico b. tit. & hoc vocatur seundum scrutinium. Eā autem responsione non peccat Archidiaconus, quamvis ordinandus, revera sit indignus, modo nos sciat esse indignum, nec per eum stet, quod minus sciat esse talēm: quia non simpliciter asserit, illum esse dignum, sed quantum humana fragilitas nosse sinit: præteritum cum illum, quem indignum esse non novit, dignum debeat & stimare. Simili responsione utinam Suffraganei, præsentantes Archiepiscopo electum in Episcopum, ut eum consecret, interrogati, num sciant illum esse dignum: hæcque interrogatio & responsio vocatur etiam scrutinium. Imò de eo potissimum hoc Tit. agitur, ut patet ex dict. cap. n. sic.

7. Quod si examinatio prædicta ordinatio- nem non præcedat, vel si incho Episcopo suo quis.

quis ordinetur, censetur furtivè ordinem suscipere: & qui ordinatus fuerit non examinatus jubetur deponi, can ult. dif. 24.

7. Attramen ab examinacilio seu scrutinio excepit Trid. præsentatos, electos seu nominatos ab Universitatibus sive collegijs Generalium Studiorum, Sess. 23. c. 13 d'efor. Quod tamen vederetur revocare, Sess. 24. c. 18 D'efor.

TITULUS XIII.

De ordinatis ab Episcopo, qui
Episcopatui renuntiavit, &
ab excommunica-
to.

1. *Episcopus renuntians loco recte confert ordines.*
2. *Renuntians loco & dignitati vō nisi minores conferre valet.*
3. *Pœna ordinati ab hisjusmodi Episcopo.*

Diximus ante, quemlibet ordinandum esse a suo Episcopo vel ab alio, de ejus mandato aut licentia. Quia vero Episcopus, qui renuntiavit Episcopatu: ui: definit esse proprius Episcopus, excommunicatus autem, excommunicatione durante, suspensus est ab executione ordinis Episcopalis: ideo ne quis facilè decipiat in Ordinem susceptione, meritò inquirendum nunc est, quid juris sit de eo, qui ab alterutro eorum ordinatus est.

1. *Quod ad primum attinet, dicendum est, Episcopum, si renuntiaverit loco dumtaxat, recte confert Ordines, ab aliquo Episcopo rogatum, sive minores, sive maiores, quia manet Episcopus & quoad habitum & quoad exercitium.* 2. *Si vero renuntiavit loco & dignitati, quia remanserit tunc solum Episcopus habitu, & privatur exercitio, ut colligitur ex c. 1. Panor ibidem h. 11. Minores quidem conferre potest, quia etiam non Episcopus illos conferre valet, veluti Abbas: & ideo taliter promotus ad majores Ordines ascendere non prohibetur, modo idoneus sit. At vero sacros Ordines*

seu Majores Episcopus talis conferre nequit: * 3. adeo si quis ab eo sicutum Ordinem suscipiat sciens, characterem quidem acceperit, nō tamen in eo ordine ministrare possit, quia indignum se fecit Dux, sciens, quia si ignoranter cum eodem, ut ministrare valeat, Episcopus recte dispensat: sicut & cum eo qui ignoans ab Episcopo excommunicato Ordines acceperit c. 1. & 2. b. t. nisi ipsemet ordinaverit: nam eo casu, ne videatur dispensare super proprio defectu, summus pontifex audeundus est

TITULUS XIV.

De ætate, & qualitate, & ordine præficiendorum.

§. I.

De ætate præficiendorum.

1. *Ætas requisita ad obtinendum beneficium.*
2. 3. *Episcopatum. & alias dignitates.*
4. *Ad parochiale beneficium.*
5. *Ad Canoniciatus.*

6. Abbatissa non nisi quadragenaria eligenda:

Inter ordinandos sive ordinatos, de quibus cegimus quidam præficiendi sunt dignitatibus, veluti Episcopatibus. de quibus potissimum hoc Tit. tractat Pontifex vel certis Ecclesiis seu beneficiis, ex quibus adscripti militia clericali stipendia, quibus sustentantur, percipere valeant cum non teneantur propriis stipendiis militare cap. Ex stirpanda § 1 de præbendis, can. Militare xxxii. q. 1. In præficiendis vero spectanda & requirata est certa ætas, qualitas & ordo; de quibus nunc agendum est.

1. *Et quidem quantum ad ætatem præficiendorum attinet, multa hic innovavit Concil. Trident. ex jure antiquo: nam eo jure ad obtinendum beneficium sufficiebat ætas septennii cap. Nullius sup. de temporibus ordinis hodie requiriuntur ætas xiv. annorum, Trid. Sess. 2 cap. 6. de reformat. saltuum inceptorum, Riccius in Praxi decis. 392. Alias minori facta collatio est nulla; nec potest Episcopus in hac ætate dispensare, c. Non est compos sup. de temporib. ordinat.*

H 2

Ad